



Tlo sons mé ie patron



Idiom: Gherdëina

Liber: Cianté cun plajëi

Ce legrëza y ce plajëi
che la nëif se n va,
che l'ansciuda ie da udëi,
che l ie inò prësc mei.

ref. Tlo sons mé ie patron,
nianca cun l rë y si bel tron,
ne fossi bon de baraté,
nianca da pensé!

Sun l ëur de uni pra
crësc'l mile ciofs,
ciampaneles dut l di
sona te ch'i troi's.

Sun na rama n bel ucel
cianta frësch y bën,
la batuda cun si martel
bat l pich sun lën.

Sun la piza de n gran lën
sta sentà l valtoi,
y te n iede jolel sën
ora per ch'i coi.